



सानसेयारि **“बड”सा”** ख्रीर्लाइयाव
स्माजयारि जिज्जो लोब्बा थानाय रायथाय, खन्थाय,
स्ल’, स्ल’बाथा आरो दावबायारि थावनि, पार्क
बाइदिनि स्थाय लिरनाय लिरबिदां दैथाय हर/
सानसेयारि **“बड”सा”** ख्रीर्लाइया स्वेबस्त्रानावै
फोस्वावगेन/
बड’सायाव लिरहरनायनि हुदा खलाम,
“बड”सा” ख्री नोथां, जौ बयबो आंगो खलाम।
सानसेयारि बड’सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodasanewspaper.com

BODOSA ★ A Bodo News Daily ★ Sunday ★ 25 May, 2025 Kokrajhar, BTC, Assam ★ Vol.-35, Issue No.60 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

निति आयग सामलाय गौथुमनि 10 थि जथुम खुंदों

जौगाखानाय भारतनि नोजोरथिखौ मोगथाडारि खालामनो थाखाय जुथाइ
थांखि लानो गिबि मन्थि डू हिमन्त बिश्व शर्माआ खावलायदों

डिसपुर, 24 मे: ‘गाहाइ मन्थि नरेन्द्र मदि दैदेन्नाय मिरु सरकारनि सांग्रां हेफाजाबआव आसाम सरकारआ जौगाखानायआव आसामनि नोजोरथिखौ सोलायनायनि थाखाय गुवारै थांखि आजवना लादों।’ गोदान दिल्लीयाव खुं नाय ‘2047 मायथाइनि जौगाखानाय भारतनि थाखाय जौगाखानाय राइज्यो’ आयदाफारि निति आयगनि 10 थि सामलायथाइ गौथुमनि जथुमाव बाहागो लानानै आसामनि गिबि मन्थि डू हिमन्त बिश्व शर्माआ बे बिबुंथिखौ होदों। जथुमाव गिबि मन्थि डू शर्माआ बुंदोंदि,



दरसे जौगाखानाय राइज्यो महैर मिथिजानाया आसामनि सरासन्ना सुबुंफोरनि मोनसे गोबाव साननि हास्थायनाय दडमोन। गाहाइ मन्थिनि जौगाखानाय भारतनि थांखिया

बे हास्थायनायखौ मोगथाडव सोलायहोनायनि लामाखौ गोरलै खालामदों। बेनि अनगायैबो आसामखौ बांसिनथारै जौगाखांहोनायनि बिथिडवबो गोदान खाबुफोरनि

लामाया बेखेवजादों। गिबि मन्थिया बुंदोंदि, गाहाइ मन्थिनि नोजोरथिनि गेजेरजों सामलायजानानै आसाम सरकारआ भारतखौ मुलुगनि

(□ 6 बिलाइआव)

लाइमोन सोरां एकादेमीआ 2025 माइथाइआव मेट्रिक आन्जाद उथिसार जानो हानाय फरायसाफोरखौ बरायदों

कक्राझार, 24 मे: कक्राझार जिल्लानि बनरगावआव थानाय लाइमोन सोरां एकादेमीआ देन्लाय बोसोरनि 2025 ई माइथायनि मेट्रिक आन्जादआव उथिसार जानो हानाय फरायसाफोरखौ बरायनायजों लोगोसे मान बाउदों। लाइमोन सोरां एकादेमीआ 19 थि खेबनि थाखाय मेट्रिक आन्जादआव उथिसार जानो हानाय गासै सा



40 फरायसाफोरखौ दिनै मोनसे मेहेर गोनां हाबाफारि खुं नायनि गेजेरजों बरायो। मख’नाय जायोदि, थानाय 2002 माइथायाव गाइसन जानायनि उनाव गिबि खेबनि थाखाय 2007 माइथायाव

मेट्रिक आन्जाद होजेना दिनै लाइमोन सोरां एकादेमीनि फरायसाफोरा फैयै-फैयै 2025

(□ 6 बिलाइआव)

मावफुं सोद्रोमा राकेश ब्रह्मखौ सोंखारिनायनि थाखाय अबर’ दैदेनगिरि जन दासनि हेंथायै बाक्सानि मुसलपुराव आइजोफोरा गोखों खुद्रिसारदों



मुसलपुर, 24 मे: बाक्सा जिल्लानि मुसलपुराव बर’ आरो अबर’ सोमजिहोनानै हरि माहारनि गेजेराव गावसाहोद्रा जन दासनि हेंथायै गोखोडै खुद्रिसारदों। बाक्सा जिल्ला मुसलपुरनि गोबां आइजोफोरा खुद्रिसारदों अबर’ दैदेनगिरि जन दासनि हेंथायै। थानाय माखासे सान सिगांआव बिटिआरनि मावफुं सोद्रोमा राकेश ब्रह्मनि

गसाइगावनि जमद्वार बियाबआव फिन इउपिपिएल दोलोनि जयनिं हाबाफारि सा 150 नि बांसिन सोद्रोमाफोरा इउपिपिएल दोलोआव हाबफैदों



गसाइगाव, 24 मे: कक्राझार जिल्लानि गसाइगाव महकुमानि सिडव थानाय जमद्वार बियाबआव इउपिपिएल दोलोनि थाद’नाय गैयै जयनिं हाबाफारि। गुबुन-गुबुन राजखान्थि दोलोनिफ्राय थाद’नाय इउपिपिएलआव हाबफैनायनि दोहों। दिनैबो गसाइगावनि बरफुर गामियाव

बाक्सा जिल्ला एबसुआ जिल्लानि सिडव थानाय टप-10 फरायसाफोरखौ बरायदों

एबसुआ बड’फानि सानस्रि आरो मोन्थोरखौ लानानै गोखों खामानि मावनायनि थाखाय बिटिआर हालामाव सोलेंथाइनि हारआ बांदों: दिपेन बर’

मुसलपुर, 24 मे: बाक्सा जिल्लानि सदर मुसलपुरआव थानाय दुर्गा मन्दिरनि फोथाराव बाक्सा जिल्ला एबसुआ 2025 ई माइथायाव मेट्रिक आन्जाद आरो जौसिन गेजेरारि आनजाद गोनोखो आरिमु आरो कमास आयदायाव जिल्लानि गेजेरावो 10 थि सारि लानानै उथिसार



जानो हानाय फरायसाफोरखौ बाउनाय हाबाफारि लायो। सामलाइनाय बे बरायनाय आरो बरायनायजों लोगोसे मान नन्देस्वर बर’नि मेल

(□ 6 बिलाइआव)

बनरगाव बियाबआव सिगांग्रो बिटिसिनि बिसायखथि फोसावदिनाय हाबाफारि बिटिसि बिसायखथियाव किंमेकार जागोन हाग्रामा महिलारिआ: प्रमिला रानी ब्रह्म



हाबाफारि खुंदों। फारसेथिं गौर नोगोराव दिनै बिपिएफनि मिजिंथिनानै बिजाथि कुमुद चन्द्र नार्जरीनि जानानै बियाबाव बाराग’ मन्थि आरो बिपिएफनि गागि दैदेनगिरि प्रमिला रानी ब्रह्म, एमसिएलए प्रकाश बसुमतारी आरो बिपिएफनि लाइमोन दालाइ हान्जानि गाहाइ नेहाथरी प्रहलाद ब्रह्ममोनहा फैगौ बिसायखथिखौ नोजोर होनानै फोसावदिनाय हाबाफारि खुंदों। बिपिएफनि सुबुं गौमायाव इउपिपिएल आरो बिजेपिनि सा 210 दैदेनगिरि-मावफारियाफोरा हाबाफारि बायदियै बिपिएफ

(□ 6 बिलाइआव)

54थि बेटेलियन सशस्त्र सीमा बल बिजनीआ गाइसन्थाय सान फालिदों



बिजनी, 24 मे: भारत-भुटान सिमायाव थिसनजानाय 54थि बेटेलियन सशस्त्र सीमा बल बिजनीआ बेटेलियननि 13थि गाइनथाय सान फालिदों। दिनै खुं नाय गाइसनथाय सान फालाथाइ हाबाफारिया 54थि

बेटेलियननि कामानडेन्त नवीन कुमारनि मुख्त्तंफोरनो मान बाउनायजों जागायजेनो। बेजों लोगोसे गुबुन मावख’गिरिफोर, गाहाइ मावख’गिरिफोर आरो गुबुन रौनिया हान्जानि मावथिफोरा मुख्त्तंफोरनो मान

बावो। बिन उनाव क्वार्टर गार्डआव अनर गार्डजों सलामि होनाय जायो। कमान्डेन्टआ गावनि बिबुंथियाव बयखौबो हामब्लायथि आरो साबायखर बावदोंमोन आरो कर्प्सनि गाइसन्नाय साननि बागै फोरमायथि होयो। बेजों लोगोसे सशस्त्र सीमा बलनि डाइरेक्टर जेनेरेलनिफ्राय मोन्नाय कर्प्सनि 13थि गाइसन्नाय साननि खौरांखौबो फरायथिना होयो। बे गोथार बुब्लिनि मोनाबिलि समाव मोनसे हारिमुआरि

(□ 6 बिलाइआव)

बिटिआर बिसायखथिखौ लानानै खुंथाइआव थानाय इउपिपिएल दोलोआ साखा-फारा जाबाय बाक्सानि सावदरभितायाव इउपिपिएल दोलोनि फोरेंथाइ होनाय हाबाफारि खुंदों

सालबारि, 24 मे: आसामनि गिबि मन्थि डू हिमन्त बिश्व शर्माआ सोलिफु बोसोरनि फैगौ सेप्टेम्बर दानाव बिटिआरनि बिसायखथिखौ खुं नाय जागोन होन्ना फोसावनायनि उनावो राजखान्थि दोलोफोरनि गेजेराव जर’खा सांग्रांथि जानायखौ नुनो मोन्नाय जादों। बिपिएफ आरो इउपिपिएल दोलोजों लोगोसेनो बे खेबआव बिजेपि दोलोआबो बिटिआरखौ दखल खालामनो



बिसायखथियारि सोलो खान्थिनि गेजेरजों आंखारसायखौ नुनो मोन्नाय जादों। बावैसोआव बिटिआर नाडैनो आफादारि

बिथाखौ गोखों खालामनायनि थांखिजों गुबुन-गुबुन सोलो खान्थि सोरजिदों खुंथाइआव

(□ 6 बिलाइआव)

NERIM GROUP OF INSTITUTIONS
 Affiliated to Dibrugarh University, Gauhati University & ASTU
 Approved by BCI, NCTE, AICTE, MoE, Govt. of India
NERIM
 Your Academic Home
 Estd. 1992

Registration opens for DIRECT ADMISSION into the following Under Graduate programmes for the Academic Session 2025-26.
 Interested candidates may connect with our admission counsellor at **9954190758 / 9954051419**, or visit the official website : www.nerimindia.in for further information.

BBA 3-yr		Special Feature....
50% in 10+2 in any stream (45% for SC/ST)		- Assured Placement Assistance - Complimentary Laptops to MBA, MCA & PGDM students - All Classrooms are Air Conditioned - Smart Classrooms and Computing Labs - Free Corporate Suit and Course Pack to all the students - Enriched Library with e-Library facilities - Complimentary Diploma in Computer Applications (DCA) - Educational Loan Assistance - Wi-Fi enabled campus - Hostel facility for Girls (in campus) - Boys Health care arrangements and Accidental Medical Assistance.

BCA 3-yr
BA LLB (H) 5-yr integrated
BSW 4-yr
B.Com (H) 4-yr
BA (Psychology) 4-yr

45% in 10+2 in any stream (40% for SC/ST/OBC)

Post Graduate programmes for the Academic Session 2025-26.

MBA (2 Year)	MCA (2 Year)	M.Com (2 Year)	MSW (2 Year)
MA Applied Psychology (2 Year)	M.Sc. Computer Science (2 Year)	LLB (3 Year)	

For Working Professionals.

MBA (Part Time) 3 Yr (Approved by AICTE)
 Any Graduate with minimum 2 years of Working Experience or Self Employed.

PGDM (Approved by AICTE)
 50% in Graduation Or with MAT Score.
 [N.B.: Online classes are also available for MBA (Part Time) & PGDM]

MA (Education) (Regular & Distance Mode)
B.Ed (Regular Mode)
 ☎ 9954887667 / 9435195989 / 8436445415

PGDCA 1 Year
 Any Graduate

Prof. (Dr) Sangeeta Tripathi, Director, NERIM
 Padma Nath Sarmah Bhawan, Jayanagar, Khanapara, Guwahati -781022
nerimindia@gmail.com

सुजुगिरिनि खोलोम

जिब जुनात आरो दंफां लाइफां

बुहुमाव जिब जुनात थानानै थानायाव मिथिंगाया सान्त्र’ हायै, मिथिस’ हायै सोमोनांथाव निदान सुंबोदों आरो सुंगासिनो थानाय नुनो मोनो। ईशोरा सोरजिनाय गासिबो दंफां-लाइफां, हाजो-हाला, दैमा-दैसा, बिलो-बिलोमा, जिब-जुनात, दावमा दावसा, एम्फौ-एनलाफ्रा देलाइश्री बुहुमखौ समाय होनायजों लोगोसे जिब जुनात थानानै थानायाव अनजिमा गैयै हेफाजाब होबोदों। मिथिस’ हायै जुगआवनो बुहुमाव गोनां जिरातखौ ईशोरा सोरजिनानै होखादोंमोन। नाथाय ईशोरा सोरजिनाय माखासे जिब जुनात दंफां लाइफांफ्रा मानसिन इनाय अनागारियावनो जादों, जुगनि सोलायबोनाय बोथोरनि थाखाय जादों, एबा थानो जायगा जोबनायनि थाखाय जादों। बुहुमनिफ्राय लासै लासै गोमोर लानो हमदों। ईशोरा माखासे सोरजिनाय जिरातफ्रा गोमाबोनाया जिब जुनात थानानै थानायाव गोगोम खहा जानो हागौ। मानोना ईशोरा गासिखौबो गोनां सान्नानै सोरजिखादोंमोन। मोनसे नइब्ला मोनसेया थानानै थानाया गोब्राब।

गामिफ्राव गोदो डाक्टर गैयामोन। आखाय बौब्ला जार्मान बिलाइखौ दिग्लिनानै होनाय, उदै साब्ला एबा उदै गाग्रि जाब्ला खिफि बेन्दों एउनानै जाहोनाय आथिं आखाय बायब्ला हाग्रानि दंफां लाइफांनि बिलाइखौ देनानै खाथबना होनानै मोजां खालामनाय नुनो मोनो।

बेंगलनि भाडा बाजारा बेबादि मुलि गोथांजों आइथिं आखाय बायनायखौ फाहामनायनि थाखाय नामदंखा जानानै दं। आथिं खुब खुब मोनब्ला लोमझो सात्रो मोनब्ला उसुमाय(जारि बिजनि) बिजौ आरो माखासे दंफां लाइफांनि बिलाइ रोदाखौ फुर्दुनानै पंलु बिदै लौनाई जायगा जायगा जों दासिमबो नुनो मोनो। बे उसुमायफ्राबो जोबलांनो हमदों। आयुबेंदिक एल’पिटिक होमिअ’ पेटिक गासिबो मुलिफ्रा दंफां लाइफांखौ नेउसिनानै जानो हाया। गोलोम बोथोराव बाराद्राय गोलोमनायखौ खमायहोनो हायाब्ला दंफांनि साइख्लुम नागिरना बै दंफां सिडाव जिरायग्रा हुदाया बयहाबो दं। मोसौखौ हाल एवनो, गायखेर जानो फिसियो। बे मोसौनोबो थानानै थानो गांसो हाग्रा बंग्रा नांगौ। जों एम्फौ फिसियो। बे एम्फौनि फिथोब आरो खुन बिफांनि खुनखौ खुन्दुं लुनानै सि दानानै मानसिया गावनि लाजिनायखौ फांथेयो आरो गोजां जानायनिफ्राय गोजानाव थायो। हाखर-हाला, दुब्लनि एम्फौफ्राबो माइ बारियाव माइ बिफांखौ खहा खालामनो हानाय माखासे एम्फौफोरखौ जानानै माइबिफां मोजां जानायाव हेफाजाब होयो। नाथाय मानसिफ्रा बेफोर एम्फौफोरखौबो बुथारनानै गोजोन्नाय मोनो। दावमा दावसाफ्रा फिथाय जानानै खिनाइ फिथायनि बेगरनिफ्राय बिफां लाइफां फेहेरनायाव हेफाजाब होयो। बबेबा बबेबा दावमा दावसा, जिब-जुनातनि मेजेमखौ मुलि बाहायनाय बयबो नुवा लासैनो थायाखै। नाथाय बेफोर गासिबो थानानै थानो थाखाय हाखर हाला दंफां-लाइफां नांगौ। जायगा जायगा बिफां-लाइफां जोबनाय लोगो लोगो बिलो आरो निजिराफ्रा रानलांनाय मानसिन मेगनाव गोलैयालासिनो थायाखै। दंफां बिलाइफ्रा अक्सिजेन होन्नाय मोनसे गेस सानाव हगारो। जाय गेसया मिनिटसे गैयाब्ला जिब-जुनात थानानै थानाया गोब्राब।

दिनैनि फान्जामुधि

राशि बाइदियै मुंनि गिबि हांखो

मेघ : अ ल बृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ञ झ)

मेघ: जेखियानो जाया नख 'रनि शुभ खामानि मावनानै लानो हागोन। सान्नाया जाफुंगोन।

बृष: माबाफोर गोथार खामानि मावनो गोनां दडबा मावनो हागोन। बे राशिनि थाखाय गाहाम सान।

मिथुन: जेखि खामानियानो मावा मानो मुलाम्फा आरजिनानै लानो हागोन। मोजां सान।

कर्कट: नख 'रनि रां खरसा खालामनांगौआ बांलांगोन। थाखानाय रांआ जोबसांनो हागौ।

सिंह: मानिबा थाखाय गोबां रांखावरि खहा जानो हागौ। गोसोखौ शान्ति मोन्नाय नइ।

कन्या: मोजां मोनलायनायाव अनलायनाया बांगोन। दौलेंआ गोरा जागोन। मोजां सान।

तुला: जेरावबो गोहो-बोलोखौ मोन्नो हागोन। गोसोखौ गोजोन मोनगोन मोजां सान।

बृश्चिक: जे खामानिखौ मावबाय थादों जौगानायखौ मोन्नो हागोन। मोजां सान।

धनु: सोरजोंबाफोर बायदिसिना होन्नानै लाजि फोनांजानो हागौ। गोसोखौ हमथानांगोन।

मकर: मानिबा थाखाय गोसोखौ शान्ति गैयै मोनगोन। गोसो हमथानानै सोलिनांगोन।

कुम्भ: जेखियानो मावा मुलाम्फाखौ खालामनो हागोन। मोजां सान।

मीन: बबेबा जायगायाव दावबाय हैनानै गोजोन्नायखौ लानो हागोन। मोजां सान।

टिएमसि एमपि अभिषेक बेनार्जीआ टकियआव उतखारिफोरखौ सौंखारिदों

टकिय, 24 मे: भारत-पाकिस्ताननि गेजेराव जानाय सान्श्रियारि सौग्रावलायनाय आरो भारतनि अपारेसन सिन्दुरनि जाफुंसारनायनि उनाव भारतयारि डेलिगेसनआ गुबुन हादरआव दावबायहैदों आरो बे समाव भारतयारि थान्दै आफादआ पाकिस्ताननि उतखारिफोरनि सोमोन्दै बाश्चा बुंगासिनो थादों। जापाननि टकिय सौहैनाय भारतयारि डेलिगेसनआव थाफानाय टिएमसि दैदेनगिरि अभिषेक बेनार्जीआ पाकिस्ताननि बाश्चाखौ बुंगानै गोख्रोडै भारतजों लोगो लायो। बिथाडा बुंदोंदि, जों बेयाव बे खौरां आरो सैथोखौ शेयार

खालामनो फैदों, भारतआ जेन्नानै थानाय नइ आरो जों गिनानै फासयना थानाय नइ। अभिषेक बेनार्जीआ बुंदोंदि, आंहा मोनसे राजखान्थि दोलोजों सोमोन्दो दइ, जाय बेरेखा दोलो। पाकिस्तानखौ बिसोरनि रावआव सोलेंथाय

होनांगौ। जुदि उतखारिआ मासे सैमा फाग्लाब्ला पाकिस्तानआ हाग्रानि मासे हेन्डलार। जों बयनिखुइ सिगां बे हाग्रानि हेन्डलारनिफ्राय बारा'नो थाखाय मुलुगखौ खौसेआव लाबोनायनि गोनांथि दइ। नइाब्ला पाकिस्तानआ हाग्रानि हेन्डलार आरो बांसिनै सैमा फाग्लाफोरखौ फिसिनानै फेदेरगोन। बेनि थाखाय भारतनि बिबानखौ रोखा खालामगोन। बिसोरनि हेंथायै जोंनि गाग्लोबनाय आरो नायबिजिरनाया दाय गैया एबा उतखारि गाग्लोबनाय नइा होन्नानै अभिषेक बेनार्जीआ बुडे।

मिज 'राम पुलिसआ सप्ताहनाडै सिग्रोमनानै 6.35 कौटि रॉनिख्रुइ बांसिन बेसेननि ड्राग्स बोखांदों

आइजल, 24 मे: मिज'राम पुलिसआ 17 मेनिफ्राय 22 मेनि गेजेराव थानाय 6 सानआव मोनबा आलादा-आलादा सिग्रोमनाय समाव 6.35 कौटि रॉनिख्रुइ बांसिन बेसेननि गुबुन गुबुन ड्राग्स बोखांनो हादों होना पुलिसआ सुलुडाव मिथिहोदों। पुलिसआ बे सिग्रोमनाय समाव स्मग्लिं एबा ड्राग्स लाखिनायनि दायार सा 11 सुबुंफोरखौ हमदों, जेशव म्यान्मार्नि सानै नोगोरारिफोरबो दंफायो। थानाय 6 साननि गेजेराव बयनिखुइ बांसिन ड्राग्स जब्द खालामनाय समाव मिजरामनि सियाइडि आरो जर'खा फेग्रा बेसाद बोखांग्रा पुलिस स्टेसननि मावसुमाफोरा एजेभेल जिल्लानि सलडाव मोनसे जुथाय अपासेन जागायो, जाय राइज्योनि राजथावनिनिफ्राय गासै 36 कि:मि: जानगारआव दइ आरो 18 मेआव गंसे खारबाय थानाय ट्रकखौ होबथायो। गारिखौ आबुडै नायबिजिरनाय समाव पुलिसआ सानै म्यान्मार्नि नोगोरारिफोरनिफ्राय 39.15 कि:ग्रा: मेथेफेयमाइननि टेब्लेटफोरखौ जब्द खालामो, जायनि बेसेनआ 5.08 कौटि रां। पुलिसआ बोखांनो मोन्नाय मेथेफेयमाइननि टेब्लेटफोरखौ ट्रकनि मोनसे खथा सिडाव दोनखोमानाय थासारिआव मोनो। बेनि उनाव जर'खा नार्कटिक्स पुलिस स्टेसननि एजावलनि खाथि सेलिसिहआव मोनसे नागिरसंनाय समाव सासे आइजो सिखावनि बेंखननिप्राय 597 फाइल (80.49 कि:ग्रा:) कडिन बोखांनो मोनो।

लेफ्टिनेन्ट शशान्क तिवारीआ सासे सान्श्रिनि जिउखौ रैखा खालामनो थाखाय गावनि जिउखौ बाउयो

गुवाहाटी, 24 मे : लेफ्टिनेन्ट शशान्क तिवारी, जाय 23 बोसोर बैसोनि सिक्किम स्ट्राउटसनि सासे सान्श्रियारि बिबानगिरि। बिथाडा थानाय 22 मेआव सा सिक्किमआव मोनसे हाबाफारि सालायनाय समाव आरो लोगो सान्श्रिनि जिउखौ रैखा खालामनो नाजानायाव गावनि जिउखौ खोमायो। 6 दान सिगां सान्श्रियाव कमिशन जानायनि उनाव लेफ्टिनेन्ट तिवारीनि नायबिजिरनाया सान्श्रियारि सिबिथाइनि साबसिन आदर्शनि सिनायथि होयो। बे जाथायनि उनाव सासे सान्श्रियारि बिबानगिरिया फोरमायोदि, बे जाथाया फुंनि 11 रिंगानि खाथियाव जायो, जेब्ला लेफ्टिनेन्ट तिवारीआ सिक्किमाव टिअबिनि फारसे लामा खुलिहोग्रा पेट्रुलिं दोलोखौ दैदेनो। सासे बिबानगिरिया फोरमायनाय बायदिब्ला, पेट्रुलिं समाव पेट्रुलिं दोलोनि सोद्रोमा

नन-सेन्स : Non sense

-फैलाव ब्रह्म, तामुलपुर

बर' सोमावसारनाय समाव अबर'फोरा जनजातिफोरनि गेजेराव बर'नि बेरेखायै शरनीया आरो राभाफोरखौल' बाहायनो हादोंमोन। नाथाय बे बाराव राजखान्थिनि गादि आरो रॉनि महिमाजों आन्दाय होनानै बर'फोरखौनो बर'नि बेरेखा बाहायसिगोन।

बिटिचियाव बिजेपि हान्जाया अबर'नि गुबुन मोनसे महर। मानोना जायफोरा बिटिचि आरो बिटिआर लाबोनाय समाव बर'नि बेरेखायै गसंथेदोंमोन दिनै बै बिटिचिनि बेरेखाफोरानो बिटिचिनि बिजेपियाव बेरेफोर बायदि बाफबनानै दइ। दिनै बिसोर बिटिचि आरो बिटिआरनि फिथाइखौ जानो थाखाय साखा फारा जादों।

बिटिचिनि अबर' एबा बिजेपिनि थांखिया बर' इसुफोरखौ मावफुंनाय नइ। बिजेपिया बर'फोरखौ लोगोआव लानायनि जाहोना जादों बिटिचियाव हाबनो गेट पास लानाय। बे गेट पासनि जुनैनो बर'नि सानैसो गेदेर गेदेर दैदेनगिरिखौ मोसाया मैसो भेराखौ बाग्रायनाय बायदि बाग्रायदों।

बिटिचिनि मोन 15 समस्थिनि मोन 9 खौनो जेनेरेल समस्ति दानानै बर'नि राजखान्थि गोहो सिख'नायखौ बर'फोरा गावनि मेगनजोंनो नुखादों ? लक सभा समस्थि दाफामनाय समावबो बर' मैखोम ओनचोलखौ बोखावनानै राजखान्थियाव बर'खौ पंगु खालामनो नाजानाय बिजेपिनि सोलोखौ नुखादों। बेफोर बर' बेरेखाखौ नुसेयावबो जायफोर बर' दैदेनगिरिफोरा बिजेपिजों सथबहैदों बिसोरनि जोहै बर'नि मोजां जागोनखौ मिजिंथिजाया।

बर'फोरा मिथिनाया मोजांदि दिनै जों जाय बिटिचिखौ मोनदों बेयो जोंनि बाहाइ बाहागिनि थैजों सोलानायनानैसो मोनदों। बेयो बर'नि मोनसे दाहाल। मोनसे सुरख्या कबस। बेखौ रैखाथि होनाय जों बर'नि थै गोनां साफ्रोमनिबो बिबान। बेखौ सुथुरनि आखायाव गथायोब्ला मुंख्लंफोरनि साव नांगोनआ रोखा।

नै... बर'फोर,बिटिचि एबा बिटिआरखौ जुजि जुजि लाबोनानै बेखौ गावनि मुलाम्फायाव बाहायनो समाव गुबुननो दा हगार। बिजेपियाव बर' सुबुंफोरा 20 जौखोन्दोबो गैया। बेनिखायनो बिजेपिखौ देरहा होनायनि ओंथिया गाव दोल बोनानै गुबुननो सिंगि मागुर जाहोनाय।

मोनसे समाव गासै अबर'फोरा खौसे जानानै बर'फोरखौ खेबनै लकसभा बिसाइखथियाव फेजेनखांबाय। नाथाय बै समफोरखौ लाजि रोडैफोर बायदि बर' दैदेनगिरिफोरा गोसोआव लाबोनो हायाखैसै। गादिखौ गावनि आखायाव लाखिनो नाजानानै दाक्ज्लाफोर बायदि गावजों गाव सोलायग्रा आरो गाबोन हरिया मा जागोन बेखौबो साननो Sense गैयै Non-Sense.

सान्जा इम्फलआव समाज बेरेखा केम्पफोरखौ सिलिंखार खालामदों

इम्फल, 24 मे: मिरु रैखाथि हान्जा आरो नोगोर पुलिसआ थानाय शुक्रबारखालि जुथायै नागिरसंनाय हाबाफारिआव मनिपुरनि सान्जा इम्फल जिल्लायाव कांपकपिजों नांजाबनाय गंसे अरायथानडै एन्टि-ससेल कपखौ मिथिनो मोन्नानै सिलिंखार खालामो आरो गोबां बिबांनि हाथियारफोर बोखांनो हायो। सासे बिबानगिरिनि बादिब्ला, टीमआ पेन्जी नेपाली बस्ति आरो बिसोरनि खाथि-खालानि हाजोयारि ओन्सोलफोराव समाजयारि नडै आयदाफोर नुजाथिनायनि सोमोन्दै जर'खा संगालि खौरॉनि सायाव बिथा खालामनानै जुथायै नागिरसडो, जाय हेगां पुलिस स्टेसन, सान्जा इम्फल जिल्लानि सिडाव

गोग्लैयो। नागिरसंनायखौ मिथिनो मोन्नानै सन्देह खालामथाव उतखारिफोरा जायगाखौ नागारनानै खारो आरो बेयाव गालांनाय गुबुन गुबुन रोखोमनि हाथियार, बेरफ्रुग्रा बेसाद आरो गुलि-बारुदफोरखौ बोखांनो हायो।

बिबानगिरिआ फोरमायनाय बादिब्ला, 3 घन्टानि नागिरसंनाय हाबाफारिनि समाव टीमआ गंसे 9 एमएमएसएमजि कार्बानि मेगाजिनजों लोगोसे गंसे 9 एमएम पिस्टल मेगाजिन, गंनै आर्मि रिजों लोगोसे थरथाम

5.5 इयुन जोलैनि दावहारु उरां जाहाजखौबो सान्श्रियाव सोफानो थियारि खालामबाय

नागपुर, 24 मे: अपारेशन सिन्दुरआ गासै मुलुगनो दिन्थियोदि, भारतआ गावसोरखौ रैखा खालामनायाव गावसोरनो जाफुंसारनो हानाय। बिसोर मुलुगनि जायखि जाया गोहोजोंनो गावसोरनि राहाजो फिन्नाय होनो हायो। अपारेशन सिन्दुरनि समाव भारतनि अख्रॉमा नेम खान्थिया जैर्बायिद सुथुरनि उरां जाहाज, ड्रन आरो मिसाइलफोरखौ मिथिनानै ट्रेक खालामना गावखलायो बेखौ गासै मुलुगनि मिबथिनो हाबाय। डिआरडिअनि गाहाइ समीर भि कामतआ फोथायोदि, हादतआवनो दिहुन्नाय आकाशवीर, अख्रॉमा रैखाथि नेम-कान्थिनि जाफुंसारनायजों हारिमायारि थाखोयाव बेखौ लानानै इन्टोरेस्टआ बांगोन। अपारेशन सिन्दुरनि समाव बे नेम-खान्थिया गोदान दावहानि गोहो महरै नुजाथिदों। मख'नो गोनांदि, भारतआ अपारेशन सिन्दुरनि गेजेरजों 6-7 मेआव पाकिस्तान आरो एलअसिआव मोन 9 उतखारिफोरनि केम्पफोरखौ सिलिंखार

हानाय जागोन होन्ना बडे। इयुनाव दावहानि थाखाय गोदो-गोदायनिफ्रायनो बाहायबोनाय हाथियारफोरजों लोगोसेनो ड्रन आरो इलेक्ट्रिक दावहानि बायदि गोदान टेक्नलजिफोरनि थाखायनो थियारियै थानांगोन होन्ना कामतआ बुडे।

Lost

I have lost my Assam Science and Technology University Registration Certificate (B. Tech, Electrical Engineering Dept.) bearing registration No. 017609121.

If anybody have found please inform to the following address.

Name- Lalit Chetry
Vill.- Kumguri
P.S. & Dist.- Kokrajhar, BTR, Assam.
Mb/No. 7086811982

सुंद’ सल’

धरायना फिति ब्रह्म

बै सुबुंआदि आंखौं बेसेबां मोजां मोनोमोन। आं बेखौ बुंस्’नो हाया। नाथाय दा बियो जिउनि मोदै लानानै थांनानै थागासिनो दं बे सुबुंआ। आं बेखौ मोजां मोनामोन नाथाय बेसो आंखौ मोजां मोनोमोन असक आ। असक आ सासे नायनो मोजां मोन बाबो बियो सिसारे ट थांखु जायो बियो। हिन्जाव मोजां मोजां नुबा बेखौ नडा बेखौ गोसोथोयो बियो। नाथाय दा बिनि खाफालाव लिरनायाबा मा जायो आं बेखौ बुंस’नो हाया। आंहा सासे नायल जाल महर मुश्री गोनां सासे अनजालु दंखायो पुस्प नाम होननाय। पुस्पआ आंखौ मोजां मोनो आरो आंबो बेखौ मोजां मोनो। नाथाय बै सुबुं असक आ मोनलायनायखौ पुस्पआ आंखौ बुडो जेब्ला आं बहुमनि हाथखिं फोरखौ गावखलाय हरगोन

(□ 1 बिलाइनिफ्राय)

निति आयग सामलाय गौथुमनि 1० थि जथुम खुंदों

2थि रंखान्थि हادر महरै सोरजिनायनि मख'जाथाव थांखिखौ मोगथाडरि खालामनायनि बिथिडव मोनसे सोलायथाइ दावबायनायनि सहैदों। दैथायहरनाय आरो गोदान दिहुनथाइनिफ्राय डिजितेल गुदि बिथासिम, रेलवेनिफ्राय जागायनानै रकेट लन्व खालामनायसिम भारतआ जौगाखानायनि मोनसे गोदान आयदानि लामाखौ बेखेवदों। बिथाड जौगाखानाय भारतनि नोजोरथिखौ सुफुंनायनि थाखाय दरफ्रोमबो रइज्योनि गोहो गोदान दिहुनथाइ आरो गासै जौगाखानायजों जुथाय थांखि लानो खावलायदों। उदांसि मोन्नायनि आगु सम आसामनि जौगाखानायनि सावगारिखौ फोरमायनानै गिबि मन्थि ऊ शर्माआ बुंदोंदि, माहारियारि जौखोन्दोनिफ्राय बांसिन साफ्रोमबो सुबुंफोरनि आरजिनायजों उदांसिनि सिगां आसामआ दरसे गोखोंथार रइज्योमोन। आथिखालआव रइज्योनि प्रिमियाम साहा दैथायहरनायाव मुलुगनाङे बिमुं मोनबाय। 19०4 मायथाइआव रेल लामाजों डिब्रुगड़खौ सित्तागंजों फोनांजाबनाय आरो ब्रह्मपुत्र दैमाया मोनसे गोनांथार दै लामा महरै सित्तागं बादि गाथोनजों आसामखौ फोनांजाबनानै मुलुगनां रंखान्थिजों आसामआ गोखोंथार फोनांजाबजादोंमोन। हारिमायारि फालांगिनि मिरु महरै रइज्योखौ फोथार्यथिजों गाइसनजादोंमोन होन्नानैबो बिथाड मख'जों। गिबि मन्थिआ बुंदोंदि, 1947 मायथाइआव भारतआ बोखावजानायनि जाहोनाव बे लामाफोरा बन्द' आलादा खालामजादों। भारतनि आद्रा थानाय बाहागोजों फोनांजाबनायनि बिथिडव सिल्लिगुरि 'सिकेन नेक'नि गेजेरजों आसामाव मोनसे जेथो गोनां आरो लोरबां जिउ हांखोआल' थालांबाय 97 जौखोन्दोनिफ्रायबो बांसिन मुसलमान नङे सुबुं अनजिमा थानायनि उनावबो सित्तागं हिल ट्रेक्टसखौ सान्जा पाकिस्ताननो गथायनाय जादोंमोन होन्नानै बिथाड बुंदोंदि, 1947 मायथाइनि 15 आगष्ट'आव चाकमा, दैदेनगिरिफोरा भारतआव हाबनायनि मिर्जिथिनानै रडमाथियाव भारतनि फिरफिलाखौ बिरहोदोंमोन। नाथाइ सान्जा पाकिस्ताननो सित्तगंखौ हगारना होनायनि जाहोनाव बे मिर्जिआ फैमला जादों होन्नानैबो बिथाड बुडो। गिबि मन्थिआ बुडोदि, बिसोरनि हांखायनायनि गेजेरावबो पण्डित जवाहरलाल रेहरुआ आखाय होनो सिमान जायाखैमोन। बे थांखिखौ बिथाड सिरियै आजावना लानायआ सा-सान्जानि मुलुगनां फालांगिनि खाबु गोनां बिथिडव मोनसे अरयथा जेंना सोमजिहोदोंमोन होन्ना बिथाड बुडो। गिबि मन्थ्रिया बुंदोंदि, दिनै गाहाइ मन्थ्रि नरेन्द्र मदिनि नोजोरारि दैदेन्नायाव आसामजों लोगोसे सा-सान्जानि गुबुन रइज्योपोरा दिनै जौगाखानायनि बिथिडव गोखै सिगांदों। इन्टरनेल दै लामाखौ फिन फोथांफिन्नाय, फोनांजाबनायखौ फिन बोखांफिन्नाय आरो गुदि बिथा लुनायजों खोला-सान्जा एसियानि हाबग्रा दर महरै आसामआ गोनांथिनि जायगाखौ फिन दखल खालामो आरो बेयो आसामखौ जौगाखानाय भारतनि गोखै रंखान्थियारि सिमना महरै फिन मिथिजागोन होन्ना बिथाड बुडो। गिबि मन्थ्रिआ बुंदोंदि, आसाम आरो सा-सान्जाआ जियग्रापिकेल सिमनाल' नडा। बेयो सोलोआरि, रंखान्थियारि आरो हारिमुवारि सिमना हांखोबो। सुबुं धोन आरो खाबुजों धोन गोनां आसामआ खोला-सान्जा एसियानि गाहाय हाबग्रा लामा। बेनि गेजेरवनो बिथाड आगुनि रजखान्थियारि नोजोरथिनि सोलायै गाहाइ मन्थ्रि नरेन्द्र मदिआ हادرनि गोखै जौगानायनि बिथिडव आजावनाय थांखिफोरजों लोब्बा जानायनि थाखाय साफ्रोमखौबो खावलायो। मख'नो गोनांदि, गाहाइ मन्थ्रि नरेन्द्र मदिनि आफादगिरि मासि सामलायनायाव खुंजानाय निति आयगनि सामलाय गौथुमनि 1० थि जथुमाव मिरु मन्थ्रि गौथुम, गुबुन-गुबुन रइज्योनि गिबि मन्थ्रिफोर, मिरु खुंथाइ ओनसोलनि लेडइ रइज्यो बैंगिरि, निति आयगनि लेडइ आफादगिरिजों लोगोसे आयगनि पडेन सोद्रोमा एबा सामलाय गौथुमसिम जर'खायै हांखायहरजानाय सुबुंफोरा बाहागो लाफैदों। □

बिटिआर बिसायखथिखौ लानानै खुंथाइआव थानाय इउपिपिएल दोलोआ साखा-फारा जाबाय फोथायनानै लाबाय। इउपिपिएल दोलो महरै जोडो मोनफ्रोमबो बियाबनि थाखाय थियारि जानानै दङ। फैगौ बिटिआर बिसायखथियाव जों मोनसे मोजां फिथाइ दिन्थिनो हागोन। हाग्रामा महिलारिआ मिर्जि थियोब्ला जानाय नडा, खामानि मावनांगोन। रइज्यो राजाफोरनि मोजां मोन्नायखौ मिबंथिनांगोन। थांनाय 17 बोसोराव जैरेबायदि खामानि मावदों, जायनि थाखाय गोजोन गैयै थासारि सोमजिदों। आं बुंनो सानोदि, हाग्रामा महिलारिआ मोजां हास्थायनायनि आंखालआव दंमोन, बेयाव गोजोन थासारिखौ सोरजिनो थाखाय। दिनै इउपिपिएल दोलोनि मावफारियाफोरा मोजां हास्थायनायनि थाखाय गोजोनखौ लाबोनो हाबाय। जों गोजोन थासारिखौ सोरजिनो हाबाय होन्नानै एमपि जयन्त बसुमतारीआ बिबुंथि लाखिदों। फोर्ंथाइ बादायाव इउपिपिएलनि गाहाइ नेहाथारी (ए) राजु नाजरी, नेहाथारी समनाथ नाजरीं, माइन'रिटि शेलनि गाहाइ नेहाथारी नजरुल इस्लाम, सालबारि जिल्लानि नोजोरगिरि नृपेन चन्द्र बर', बुथ सामलाय आफादनि लिंथुमगिरि ब्रज कुमार बसुमतारी, खारिकरि बिजिरसंगिरि पलास लाहन, आफादारि नेहाथारी थिराज डेका, सालबारि बियाबनि एमसिएलए जय मुसाहारि, सालबारि बियाबनि टिसिएल्सिसिनि मासिगिरि बिनद मुसाहारिमोनहा बाहागो लाफैदों □

थाखाय ना सोरनिबा थाखाय। ओंखारनो आं बुडो नोंखौ असक नों आंनि मोजां मोनलायनायाव हें था दाहो नों असक। नों आंनि मेगननि नोजोरनिफ्राय जानखार लांदों नों असक। असक पुस्पआदि आंखौ बेसेबां मोजां मोननो आं बेखौ बुंननो हाया। सोरनि खाफालाव गोग्लैंगोन आंनि खाफाला । दिनै बोहै दों आंनि मेगननि मोदैँनि बाननायाव गोग्लैसोनानै दं आंनि मेगनआ दिनै। बेननो आंनि जिउनि मोजां मोननायनि मोदैँनि बानायाव दै जिरि जिरि बोहै गासिननो दं आंनि मेगननि मोदैआ। असक नोंथ आंजों आवगायावनो जोगार जाखाबाय नों मानो आंखौ दिस्थाब खालामबाय थायो। सुख गैया दुख गैया नों आंखौ खालामबाय थायो नों मानो असक, असक आं पुस्पनि साननाय हास्थायनाय मिर्जि लाननायखौ आं फे लें खालामनो हानाय नडा असक। नों आंनि थाखाय गोजानाव जानखार लांदों नों असक। आं दिनै अनजालु पुस्पनि बुंलांनाय बाथ्राखौ होलांनाय समाय खिरा लायलायनायखौ आं बावनो हाननाया नडा असक। अनजालु पुस्पआनो आंखौ बुलांदो रावनिबो सायाव हें था दाहो

(□ 1 बिलाइनिफ्राय)

लाइमोन सोरां एकादेमीआ 2०25 माइथाइआव मेट्रिक आन्जाद उथिसार जानो हानाय फरायसाफोरखौ बरायदों

माइथायाव 19 खेबनि थाखाय मेट्रिक आन्जादआव जिरायबोबाय। बे आन्जादनि फिथाइ हिसाबै लाइमोन सोरां एकादेमीआ मोजां जायगा आवग्रिबोनो हाबोदों। सिगां बोसोरफोरनि बायदिनो देरलायबो लाइमोन सोरां एकादेमीनिफ्राय मेट्रिक आन्जादआव उथिसार जानो हानाय फरायसाफोरखौ बरायनाय जादों। दिनैनै बे बरायनाय हाबाफारिआव गाहाइ आलासि महरै बाहागो लाफैदों दुलाराय बर' फरायसा आफादनि लोगो गाहाइ नेहाथारि दिनेस ब्रह्म बिथांआ। बिथांजों लोगोसे लाइमोन सोरां एकादेमी सामलाइ आफादनि आफादगिरि जयसान ब्रह्म, गाहाइ नेहाथारि इन्द्र कुमार मुसाहारि, लोगो आफादगिरि जन'क उर्जिर आरो बनरगाव दखरा दुलाराय बर' फरायसा आफादनि आफादगिरि, गाहाइ नेहाथारि, बन'रगाव गुदि बर' थुनलाइ आफादनि आफादगिरि, गाहाइ नेहाथारि लोगोसे लाइमोन सोरां एकादेमीनि गासै फोरोंगिरि आरो ओनसोलनि राइजो-राजाफोरा बाहागो लायो। मख'नो गोनांदि, लाइमोन सोरां एकादेमीआ 2०24–2०25 माइथायाव गासै सा 4० फरायसाया आन्जाद होनायाव सासे स्टार नम्बर लानानै सा 36 फरायसाया सेथि आरो सा 4 फरायसाया नैथि मासि आवग्रिनो हादों। देरलायनि मेट्रिक आन्जादआव लाइमोन सोरां एकाडेमिनिफ्राय फरायसाफोरा 1०० जौखोन्दो उथिसार जानो हादों। □

54थि बेटेलियन सशस्त्र सीमा बल बिजनीआ गाइसन्थाय सान फालिदों

हाबाफारिबो खुंनाय जादोंमोन। जेराव कर्प्सनि मावख'गिरिफोर, गाहाय मावख'गिरिफोर, गुबुन मावख'गिरिफोर आरो नख'रनि सोद्रोमाफोरनि बाहागो लानायाव मणिपुरी मोसानाय, बिहु मोसानाय, भांगड़ा मोसानाय, माराठी मोसानाय, बायदि रोखोमनि हारसिं मोसानाय आरो हानजा मोसानाय दिन्थिफुंनाय जादों। हाबाफारियावनो कर्प्सनि मावथिफोरखौ साबसिन खामानि मावनाय आरो गावसोरनि मावनांगौ हाबाखौ सैथोयै मावफुंनायनि थाखाय बाखायनाय फोरमानलाइजों मान बाउनाय जायो। □

गसाइगावनि जमदुवार बियाबआव फिन इउपिपिएल दोलोनि जयनिं हाबाफारि

जाफैनाय सोद्रोमाफोरखौ बरायनानै लानायजों लोगोसे फैगौ दान मोन्थामनि उनावनो जमदुवार बियाबआव बिपिएफ दोलो होन्नानै नागिरब्लाबो मोन्नाय नंलिया आरो जमदुवार बियाबआव बिपिएफ दोलोनि बिजाथि महरै गर्सनो नागिरनाय उइलियाम नारजारिआ गोरोन्थि समाव बिसायख'थि गेलेनो थांखि लादों बिथानि गासैबो सान्नायफोरा फेलें जागोन होन्नानै धजेन राभा बिथाड फोरमायो। □

मालायनि खोथा बाथ्रा दाला होननानै बुंलाडो आंखौ अनजालु पुस्पआ। अनजालु पुस्पनि लानाय समाय खिरा।खौ आं सिफायनो हानाय नडा अरायबो थेंस थांस आं बिनि समाय खिरा।खौ बावगार लांनो हानाय नडा। जे सुबुंआ आंखौ मोजां मोनबाय थाखागोन होनना बुडो आंनि बेनि थाखाय जिउनि अनजाली नङखाया असक नोंनो आंखौ बोरबाय खालाम जोबबाय नों असक। अनजालु पुस्पआ जेब्ला हाथखिंफोरखौ गावख्लाय हरजोबनो हागोन होनबासो सुबुंनि समाजनि अनलायनायाबो थागोन होनानै बुडो आंनि सिगाडाव। अनजालु पुस्पखौ आं नेनानै थाबाय थागोन अरायबो। सानसे सानसे पुस्पजों आंजों गोथार जुलिया नुजा फैगोन असक। नों आंखौ हास्थायबाबो मोनखाया असक। आं पुस्पनि अरायबो जानानै थाबाय थागोन अनजालु पुस्पनि।□

(□ 1 बिलाइनिफ्राय)

बाक्सा जिल्ला एबसुआ जिल्लानि सिडाव थानाय टप-1० फरायसाफोरखौ बरायदों

रामसियारि, प्रनजिना स्वरगियारि, हिरिम्बा ब्रह्म, कंकन केरखेतारि, देंखो बालें बर', बरनालि गयारि, नयनजति बर', मृनाल बर', जुपिट'रा बर', सिमांसा बर' आरो हेना बर' सा 11 जोन। गोनोखो आयदायाव ट्रितिस कुमार केरखातारि, मनज बसुमतारि, कमल बसुमतारि, प्रियंका गयारि, संगिता स्वरगियारि, प्रिया बसुमतारी, रिसमा बर', प्रतिभा गयारि, कावेरि स्वरगियारि, सिमांसा राजा मुसाहारी, दिमपल बसुमतारी आरो बिनित बर'सा 12 जोन। कमार्स आयदायाव लाइमोन गयारि, अनजिमा बसुमतारी, मिनिसोरां बर', तुलसि रामसियारि, बिजित चन्द्र बर', बिथ'राय खाख्लारि, समर बर', हादुंग्रा बर', ब्रिटिका मुसाहारी, प्रियंका केरकेटारि, रेसम बसुमतारी आरो रिमा स्वर्गियारी सा 12 जोन। बे बरायनाय आरो मान बाउनाय हाबाफारिया एबसुनि आफादगिरि दिपेन बर'आ गाहाइ आलासि महरै फरायसा फोरखौ मेहेर गोनां बिबुंथि लाखिनायजों लोगोसे खौरां बिजोनि सिगांडव बिथांङ बिटिआर हालामजों लोगोसेनो बाक्सा जिल्लाया सोलोंथाइनि फारसे मोजां रिजाल्टखौ मोननो हादों। बड'फानि मोन्थोर आरो आरो सानस्त्रिखौ लानानै दुलाराय बर' फरायसा आफादा गोख्रों खामानि मावनाय आरो आथिखालाव गोजोन थासारि फैनायनि उनाव बड'लेण्ड हालामाव सोलोंथाइनि जौगानाय हारा बांसिनदों होन्ना बिथाङ फोरमायो। बे हाबाफारिया थांखिजानाय बुंथिगिरि आलासि महरै मुसलपुर सोलोंथाय खोन्दोनि आइ सि महमद जेहेरुल इस्लाम जर'खा आलासि महरै आसामनि केबिनेत मन्थ्रि उर्खाव गोरा ब्रह्म मावफुं सोद्रोमा राकेश ब्रह्म एम एसिए ए मन्तु बर' सि एस बि नि मासिगिरि ऊ दिपक कुमार बसुमतारिजों लोगोसे गोबां दख'रा आफाद जिल्ला आफाद आरो मिरु आफाद एबसुनि दैदेनगिरिफोर आरो गुबुन-गुबुन गौथुमनि दैदेनगिरिफोरखौ बाहागो लानायखौ नुनो मोनो। □

बनरगाव बियाबआव सिगांग्रो बिटिसिनि बिसायखथि फोसावदिंनाय हाबाफारि खुंदों

दोलोआव हाबफैयो। दोलोआव बिपिएफआ मोनगोन होन्ना फोथायनायजों बारग' मन्थ्रि प्रमिला रानी ब्रह्मआ दाबि दिखांदों। थांनाय बिटिसि बिसायखथियाव हाग्रामा महिलारि दैदेन्नाय बिपिएफ दोलोआ सरकार दानायनि मेजिक नाम्बार मोन्दोंमोन आरो इउपिपिएलनि आफादगिरि प्रमद बर'आ इउपिपिएल आरो बिपिएफआ जुथायै सरकार दागोन होन्नानै उनाव फोथायनाय गैयै खालामदों। प्रमिला रानी ब्रह्मआ बेयो जॉनि थाखाय मोनसे सोलोंथाइ जादों आरो बे खेबआव बिपिएफ दोलोआ जोबोद सांग्रांथिजों लोगोसे बिग नाम्बारनि मासि मोन्नानै बिपिएफनि सरकार दानाया रोखा होन्ना बिथाङ बुंडे। फारसेथिं गौर नोगराव बिपिएफआ मेल खुंनायनि उनावनो बिजेपिनि एमसिएलए राजिब कुमार ब्रह्मआबो फोसावदिंनाय मेल खुंदों। गौर नोगोरनि मेलआव सरकारनि बायदि बिथांखि, जौगाखानायनि बाथ्रा बुंनानै भटारफोरखौ मोजां मोनहोनायजों लोगोसे बनरगाव बियाबाव गावनि देरहनायखौ रोखा होन्ना दाबि खालामो। ब्रह्मआ बिटिसिनि बिसायखथियाव बनरगाव बियाबनिफ्राय बिजेपिनि दोलोआरि टिकेत मोन्नाया रोखा आरो आगुनिफ्राय बांसिनथारै भट मोन्नानै देरहागोन होन्ना दाबि खालामो। बिथाङ आथिखालआव बियाबनि माखासे जायगाफोरव दावबायनानै भटारफोरनि खौरां लानायजों लोगोसे बे खेबनि बिसायखथियाव बनरगाव बियाबनि 75 जौखोन्दो भटार रइज्यो राजाफ्रा गावनि फारसे सांग्रां जानानै दङ'होन्ना फोरमायदों। फैगौ बिटिसि बिसायखथिखौ लानानै बिजेपिनि मिर्जिथिजानाय, दाबि खालामजाग्रा बिजाथि राजिब कुमार ब्रह्मआ बिटिसियाव बिजेपिनि अनगायै रावबो सरकार दानो हाया आरो सरकार दानायाव बिजेपिखौ गोनांथि जानाया रोखा होन्ना दाबि खालामो। मख'नो गोनांदि, बिटिसि बिसायखथिनि सान एबा अक्ट'आ आथिखालसिमाव फोसावजायाखेब्लाबो कक्राइार जिल्लानि बनरगाव बियाबखौ लानानै सिगांग्रो बिसायखथि फोसावदिंनायाव ओंखारदों बिपिएफजों लोगोसे बिजेपि दोलोनि मिर्जिथिजानाय बिजाथि सानैआ। गुबैयै बिटिसियाव बे खेबआव दोलोजों लोगोसेनो भटार रइज्यो राजाफोरनि गेजेराव सिगांग्रो बिसायखथिनि थासारिआ जागायजेनबाय।□

मावफुं सोद्रोमा राकेश ब्रह्मखौ सोंखारिनायनि थाखाय अबर' दैदेनगिरि जन दासनि हेंथायै बाक्सानि मुसलपुराव आइजोफोरा गोखों खुदिसारदों

लानानै दिनै मुसलपुर ब्लक अबर'नि राजखान्थि खालामनो फैयो। जन दासनि दालालि खालामनाया बिटिआर ओन्सोलाव सोलिनाय नडा, जन दास मुरदाबाद, राकेश ब्रह्म जिन्दाबाद बायदि स्लगानजों गोमसार होदों। नंखाय बाथ्राजों बिटिआरनि गाहाइ मावफुं सोद्रोमा प्रमद बर' आरो इएम राकेश ब्रह्मखौ सोंखारिग्रा जन दासखौ हमनानै जुदि साजा होया अब्ला हाजार-हाजार आइजोफोरा ओंखारबोनानै बिनि न'खौ घेराव खालामगोन होन्नानैबो हुमखि होयो सोमावसारगिरि आइजोफोरा। मख'नो गोनांदि, मावफुं सोद्रोमा राकेश ब्रह्मनि हेंथायै जन दासनि बिबुंथि होनायखौ लानानै मुसलपुर पुलिस थानायाव गसर थिसननाय जागोन होन्ना मिथिहोयो। □

माहाम देहानि राहा

नालेंखर बिदैआ हाइ बिपि बेरामिफोरनि थाखाय मुलाम्फा गोनां

बोथोरआ लासैयैनो गुर्दुनिफ्राय गुर्दुं जाबोगासिनो दङ। जाउनाव सुबुंफोरा गरम बोथोरआव बायदि रोखोमनि गुसु लोंग्रा लोंनो हमो। नाथाय माखासे लोंग्राफोरा मुलाम्फानि सोलायै देहायाव खहासो लाबोयो। नालेंखर बिदैआ नाथाय बेबादि बोथोरआव देहायाव इलेक्ट्रलाइट बेलेन्स लाबोयो आरो देहाखा हाइड्रेटआव लाखियो। बेनि अनगायै बेयो देहानिफ्राय टक्सिन एबा मैलाखौं बाइजोआव दिहुनो आरो लिभारनि हाबा मावनायखौबो साबसिन खालामो। बेफोरनि अनगायै नालेंखर बिदैआ थैखौबो पिउरिफाइ खालामो। बेबादि थासारिआव नालेंखर बिदैआ हाइ बिपिआव माबोरै मुलाम्फा खालामो बेनि सायाव सोंथि सिखाडो। बेनि फिन्नाया बेनोदि, नालेंखर बिदैआ थै रोदाखौ सां खालामो। जाउनाव देहानि ब्लाड



सार्कुलेसनआ साबसिन जायो। नालेंखर बिदैआव गोबां बिबॉनि पर्टेसियाम मोन्नाय जायो। जेराव बे खनिजआ जॉनि देहायाव बाछइ सडियामखौ बाइजोआव दिहुनो। जाउनाव हाइ बिपिआ खमायनो हमो। सरासन्सायै हाइ बिपिआ देहायाव सडियाम बांनायनि थाखाय जानो हमो। देहायाव बे थादेरसाआ बाडोब्ला बिखायाव प्रेसार मोनो। जाउनाव हाइ बिपिनि जेंनायाव गोर्लैयो। बेबादिआव नालेंखर बिदै लोडोब्ला देहानिफ्राय सडियामआ प्लाशआउट जायो

आरो देहायाव थैया मोजाडै खारसारो। अब्लाबो नालेंखर बिदैखौ थि सम आरो थि बिबाडाव लोंनांगौ। हाइ बिपिनि बेरामिफोरा नालेंखर बिदैखौ सानफ्रोमबो गिलाससे लोडोब्लानो थोजासे जायो। बेबादि खालामनो हायाब्ला सप्ताहआव खेबथाम लोडोब्लाबो थोजासे जायो। नाथाय हाइ बिपिनि मुलि जादोंब्ला नालेंखर बिदैखौ लोंनो नाडा। जेराव बेनि थाखाय डाक्टराजों सुबुरुन लाग्रोनांगौ जायो।

फाइनाल डेस्टिनेसन ब्लाडलाइन सावथुना वर्ल्डबाइड 1200 कौटि रांनि कालेक्सन खालामबाय

भारतआव हलिउड सावथुनफोरनि थाखाय 2025 माइथाया मोजाडै नो सोलिगासिनो दङ। गिबियाव अ माइनक्राफ्ट सावथुन आरो दा मिशन इम्पसिबल, हरर सावथुन फाइनाल डेस्टिनेसन ब्लाडलाइनखौ गोबां रां आरजिनाय नुनो मोन्दों। नाथाय हरर सावथुन फाइनाल डेस्टिनेसन ब्लाडलाइन सावथुना गिबि सप्ताहयाव मोजां रां आरजिनो हादोंमोन। अदेबानि वर्ल्डवाइड फ्रेन्चाइजिनि थामथि गोबां रां आरजिनो हानाय सावथुन जादोंमोन। नाथाय दा जेरैनो सानआ आवगायलांगासिनो दङ फाइनाल डेस्टिनेसन ब्लाडलाइन फ्रेन्चाइजिनि गुबुन मोनसे बांसिन रां आरजिनो हानाय सावथुननि फारसे आवगायलांनाय नुनो मोन्दों। जेक लिपब्लस्कीनि दिहुन्नाय बे हरर सावथुना फाइनाल डेस्टिनेसन फ्रेन्चाइजिनि



6थि खोन्दो। 16 मे खालि रिलिज जानायाव सावथुना जोबोद पजिटिभ रिभिउ मोन्दोंमोन। बबेखानि टिकेट बायग्रा नायगिरिफोरनि गेजेरावबो बेयो जोबोद मोजां सावराय जानाय जादों। बक्स अफिस ट्रेकार सेकनिल्कनि बायदिब्ला, वर्ल्डवाइड फाइनाल डेस्टिनेसन ब्लाडलाइनआ 1200 कौटि

रांनि कालेक्सन खालामबाय। अदेबानि भारतआव बेनि अनजिमाया 34.83 कौटि रांसिम सौहैबाय। आथिखालाव फाइनाल डेस्टिनेसनआ 186.16 मिलियन डलार आरजिबाय। अदेबानि नैथि नम्बरआव 157.88 मिलियन डलारजों लोगोसे फाइनाल डेस्टिनेसन 5 आ दङ। फाइनाल डेस्टिनेसन ब्लाडलाइनआ

121.17 मिलियन डलारजों लोगोसे थामथि थाखोआव दङ। नाथाय 118.89 मिलियन डलार फाइनाल डेस्टिनेसनआ 3,112.88 मिलियनजों लोगोसे फाइनाल डेस्टिनेसन आरो 90.94 मिलियनजों लोगोसे फाइनाल डेस्टिनेसन 2 खौ बे सोलिफु बोसोराव रिलिज जानाय सावथुनआ उनफासँ खालामबाय।

59 बोसोर बैसोनि सलमान खानआ बाडाइ अक्विसजेन थानाय जायगायाव फैगौ सावथुननि थियारि खालामगासिनो दङ




लोगोसे बै सल 'नि बिबानखौबो लादों। सावथुनाव बिथॉनि आखायाव नुनो मोनगोन ए के-47 आ मोनसे

नेसॉन। नंगुबै सेलेन्जआनो जादों बाडाइ अक्विसजेन थानाय जायगायाव गोलाव सुटिं खालामनाय आरो गोब्राब हाजो

फावरखुंगुर कबिर बेदिआ गावनि गाज्रि समनि माखासे बाथ्राफोरखौ फोरमायदों

कबिर बेदिआ बावैसो मोनसे इन्टरभिउआव गावनि बै गाज्रि समनि सोमोन्दै बाथ्रा सावरायदों, जेब्ला बिथाछा पारसनेलि आरो प्रफेशनेलि फारनैबो गाज्रि हालोदआव दंमोन। बिथॉनि फिसाज्ला सिद्धार्थ बेदिआ 26 बोसोर बैसोआव सुइसाइट खालामदोंमोन। 1997 माइथायनि बाथ्रा जेब्ला कबिर बेदिआ गावखौनो जिउ फोजोबनानै लादोंमोन। बियो गोबाव समनिफ्रायनो



स्किजफ्रेनिया बेरामजों भुगिनानै दंमोन। फिसाज्लानि जिउ गोमानायनि उनाव कबिर बेदिनि सायाव गोहोम गोर्लैदोंमोन आरो बियो बिथांखौ थेर-बेथेर खालामदोंमोन। बिबिसिनो होनाय इन्टरभिउआव कबिर बेदिआ बै समनि सोमोन्दै बाथ्रा सावरायनानै बुडोदि, 'आं बायफलेजोबबायमोन। खालि फाइनेन्सियेलिल' नडा इमसनेलिबो, मानोना बेयो बै समाव फैदोंमोन जेब्ला ऑनि गासै फाइनेसियेल इन्भेस्टमेन्टआ ऑनि हेंथा जाजोबबायमोन। जेब्ला आं मुलाम्फा लायो, अब्ला गासैबो जोबक्सां लांबायमोन। कबिर बेदिआ आरोबाव बुडोदि, बै समाव ऑनि फिसाज्लायाबो जिउ गोमादोंमोन, बेनिखायनो 1990 माइथायनि जोबनायाव बेयो औरैबायदि गोब्राब सममोनदि, ऑनो मिथियामोन जे आं मा मावदों। आं अडिसननि थाखाय थाडोमोन आरो बुजिनो

मोनामोन जे आं मा खालामदों। आं खामानिनि खाबुफोरखौ खोमाना लादों आरो थासारिया गाज्रिनिखुइ गाज्रिसिन जालादों। मोनसे समनि उनाव कबिर बेदिआ मोन्दांथियोदि, गाव दा गावनि ट्रेकआव फैफिन

नांसिगौ। बेनि सोमोन्दै बिथाछा बुडोदि, आं सान्दोंदि, दा आं माबा मोनसे खालामनांसिगौ, मानोना बिब्दिनो सोलिबाय थायोब्ला आं सिलिंखार जालांगोन आरो लामायाव फैगोन। बेनि उनाव फावरखुंगुरा

फिन सावथुनफोराव गावनि केरियारखौ जागायफिनो। कबिर बेदिआ हिन्दि सिनेमानि अनगायै हलिउड, ब्रिटिस सिनेमा आरो माखासे इउरपीयान हादतफोरावबो खामानि मावदों।

फावरखुंगुर मुकुल देबआ 54 बोसोर बैसोआव जोबथा हां बोबाय

आर रजकुमार आरो बय हो बायदि सावथुनफोराव गावनि गोखों एक्टिनि थाखाय सिनायथि जानाय फावरखुंगुर मुकुल देबआ जिउ गोमाबाय। बिथॉनि जिउ गोमानाय खौरांजों सावथुन आरो टिभि मुलुगाव दुखुनि दोहौ सोमजिहोदों। मुकुल देबआ सासे मुंदांखा आरो खस्थ' खालामग्रा फावरगिरिमोन, जाय गावनि के रियारआव माखासे सावथुनफोर आरो टिभि स्व'फोराव खामानि मावदोंमोन। बिथाछा गावनि रेंग'थिजों माखासे सुबुंफोरनि गोसोखौ देरहानो हादोंमोन। बिथाछा गाहाइ बिफाव लानायजों लोगोसे हेफाजाबगिरि बिफावआवबो गावनि सिनायथि होदों। शुक्र बार मोनायाव फावरखुंगुरआ 54 बोसोर बैसोयाव जोबथा हां बोदों। खौरांआव लिरजानाय सिमाव फावरखुंगुरनि जिउ



गोमानायनि जाहोनफोरखौ मिबथिनो मोनाखेंमोन। बिथॉनि आंगो लोगो आरो फावरखुंग्रि दिपशिखा नागपालआ सशेल मिडियाआव बे खौरांखौ रोखा खालामदों आरो इन्सटाग्राम स्ट'रियाव मोनसे गोजाम सावगारि शेयार खालामनानै लिरोदि, 'रिप'। बिथांखौ जोबथा खेब हिन्दि सावथुन 'अन्त दा एन्ड' आव नुनाय जादोंमोन। बिथाछा फावरखुंगुर गहुल देबनि बिदामोन। मुकुल देबआ 1996 आव तनुजा चन्दानि धारबाहिक 'मुमकिन' नि गेजेरजों टिभि मुलुगाव आगान होजेन्दोंमोन।

बै समाव महेश भट्टआ बिथांखौ नुदों आरो बिथांखौ साइकलिकेल थ्रिलार 'दस्तक' आव सुष्मिता सेन आरो शरद कापुरजों लोगोसे कास्ट खालामदों। बिथॉनि खामानिखौ सुबुंफोर जोबोद बाखायदोंमोन। बेनि उनाव बिथाछा माब्लाबाबो उन फारसे गिर्दिनानै नायहरिफनाखै। बिथाछा माखासे सावथुनफोराव नुजाथिदों, जेराव इसकी टपी उसके अर, मेरे दो अनमोल रतन, किला, वजुद, कहरम, इतेफाक आरो मुझे मेरी बीवी से बचाओ बायदि सावथुनफोरा दंफायो।

परेश रावलआ सावथुन नागारनायनि उनाव साइनिं एमाउन्टखौ हरफिनबाय



हेरा फेरि इडनिभासँआव बाबु थैया जानानै परेश रावलआ गोलाव बोसोरसिम नायगिरिफोरखौ इन्टरटेन्ट खालामदोंमोन, नाथाय दा बिथाछा बे फ्रेन्साइजिनि बाहागो लानाय नंला। हेरा फेरि 3 निफ्राय जानगार जानानै परेश रावलआ बाबु थैयानि अन्साइगिरिफोरखौ गोसो बायहोदों। बलिउडनि बेस्ट जराणि बायनायनि उनाव बे जेंनानि सायाव गोदान आपडेटआव सोराडव फैदों। मख'नो गोनांदि, हेरा फेरि फ्रेन्चाइजिनि थामथि

सावथुनखौ 19 बोसोर उनाव बानायनो नागिरदोंमोन, जायजों अक्षय कुमारआ गावनि प्रडाक्सन हाउसनि बेनारआव बानायनो नागिरदोंमोन। सुनिल शेट्टि आरो परेश गहुलआबो गनायबायमोन, नाथाय एनाइन्समेन्ट भिडिअ शुट जानायनि सिगांनो हरखाबै परेश रावलआ बेखौ नागारदों। खौरां आव मिबथिनाय बायदिब्ला, कन्ट्रेक्ट मुंसाइ जानाय आरो साइनिं एमाउन्ट लानायनि उनाव हरखाबै परेश रावलनि सावथुन नागारनायनि

उनाव प्रडाक्सन कम्पानीआ बिथॉनि सायाव 25 कौटि रांनि केस थिसनदोंमोन। दा मोनसे गोदान रिपर्ट मिबथि होनाय जादोंदि, परेश रावलआ साइनिं एमाउन्टखौ हरफिनबाय। बलिउड हांगामानि बायदिब्ला परेश रावलनो हेरा फेरि 3 नि थाखाय 15 कौटि रांनि फिस होनो गोनांमोन, जायनिफ्राय 11 लाख रां साइनिं एमाउन्टखौ गिबियावनो होखाबायमोन। लोगोसेनो बिथॉनो 15 जौखोन्दोनि इन्ट्रेस्टबो होनाय

जादोंमोन। कन्ट्रेक्टनि बायदिब्ला बिथॉनो सावथुननि रिलिजनि उनाव 14.89 कौटि रां होनो गोनांमोन। सावथुना 2026 एबा 2027 आव रिलिज जानो गोनांमोन। नाथाय परेश रावलआ गोजोन्नाय

मोनाखेंमोन मानोना बिथॉनि सेलारिखौ 2 बोसोरसिम हल्डआव दोन्नो नागिरदोंमोन। बबेखानि परेश एबा मेकारफोरनि फारसेनिफ्राय दासिमबो बेखौ लानानै जेबो आपडेट सोरांआव फैयाखै।

टम क्रुजनि मिशन इम्पसिबल सावथुना स्निथि सानसिमाव मोजां रां आरजिबाय



उन खालामदों। टम क्रुजआ रेड 2, भुल चुक माफजों लोगोसे माखासे सावथुनफोरा गोखों सेलेन्ज होदों। रां आरजिनाय अन्जिमानि हिसाबै दोनग्रा रिपर्टनि

सेलेन्ज होदों। बे सावथुना दासिमाव गासै हादतनिफ्राय 1200 कौटि रां आरजिबाय। टम क्रुजनि मिशन इम्पसिबल दा फाइनाल रेकनिंआ स्निथि सानाव भारतआव 4.23 कौटि रांनि कालेक्सन खालामदों, जायजों बेनि गासै नेट कालेक्सना 58.75 कौटि रां जाबाय। बलिउड हांगामानि बायदिब्ला, सानि देअलनि जाट आ 89.50 कौटि रां आरो अक्षय कुमारनि केसरि 2 आ 91.45 रां आरजिदों। टम कु जनि सावथुना जाटनि

लाइफटाइम कालेक्सनखौ बारलानो थाखाय 31 कौटि रां आरो नांवावगौ। बेयो अब्लासो जाफुंगोन, जेब्ला सावथुना उइकेन्डनि बन्द'फोराव गोबां रां आरजिनो हायोबोला आरो फैगौ माखासे सप्ताहसिम सिनेमा हलफोराव जुदि, सोलिनानै थानो हायोब्ला, मिशन इम्पसिबल फ्रेन्चाइजि, जायनि दा गावनि जोबथा चेप्टार फारसे आवगायगासिनो दं। बेयो अन्साइगिरिफोरनि थाखाय जेब्लायबो जर'खायै थागोन।

